

**Служба преподобномученице Пелагии (Тестовой),  
инокине (1887-1944) 3 ноября н.ст.**

**На Господи, воззвах: стихиры, глас 8.**

О, преславнаго чудесе!// Ёвина дщи избежа прелести змиевы,/ преподобномученица Пелагии честная,/ еяже лепота душевная/ Церкви Русския бысть украшение,/ та бо, страдания Христа ради нивчтоже вменяючи,/ претерпе судище беззаконное./ Сего ради на Страшнем Суде Христовом// милостивая заступница нам будет.

О, блаженного изволения!// Соманитида древле пророка Божия Елисея почти/ во дни отступления Израиля от Бога,/ ты же, преподобномученице Пелагии,/ во дни гонения безбожного в земли нашей/ Троицу Святую небоязненно исповедала еси/ и кончину мученическую прияла еси./ Сего ради ныне Престолу Божию предстоиши// и молишися спастися душам нашим.

О, велия благочестия сило!// Павел хвалит благочестивую жену, любящую мужа своего,/ и наипаче ублажает девство Христа ради,/ ты же, преподобномученице Пелагии,/ Христа яко Небеснаго Жениха возлюбивши,/ вся красная мира оставила еси/ и смерть мученическую прияла еси./ Ныне же с лики мудрых дев предстоиши одесную Христа,// молящи спастися душам нашим.

**Слава, глас 3:**

Рачение божественное стяжавши,/ изгнание и лютая страдания мужественно претерпела еси,/ преподобномученице Пелагии достославная,/ сего ради от тьмы века сего/ к Незаходимому Свету и жизни вечней возшла еси,/ идеже вкупе с новомученики и исповедники Российскими молишися,/ о еже сохранитися земному Отечеству нашему в Православии// и спастися душам нашим.

**И ныне, Богородичен: Како не дивимся:**

**Вход. Прокимен дне. И чтения 3 мученическая.**

## **1. Пророчества Исаина чтение.**

Тако глаголет Господь: вси языцы собращася вкупе, и соберутся князи от них. Кто возвестит сия в них? Или яже от начала, кто слышана сотворит вам? Да приведут свидетели своя и оправдятся, и да услышат, и да рекут истину. Будите Ми свидетели, и Аз Свидетель, глаголет Господь Бог, и отрок, егоже избрах, да познаете и веруете Ми, и разумеете, яко Аз есмь, прежде Мене не бысть ин бог и по Мне не будет. Аз есмь Бог и несть, разве Мене, спасай. Аз возвестих и спасох, уничижих и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляй. Сотворю и кто отвратит то? Сие глаголет Господь Бог, избавляй вас, Святой Израилев.

## **2. Премудрости Соломони чтение.**

Праведных души в руке Божией, и не прикоснется их мука. Непщевани быша во очесех безумных умерти, и вменися озлобление исход их. И еже от нас шествие сокрушение, они же суть в мире. Ибо пред лицом человеческим, аще и муку примут, упование их безсмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко злато в горниле искуси их: и яко всеплодие жертвенное прият я. И во время посещения их возсияют, и яко искры по стеблию потекут. Судят языком и обладают людьми, и воцарится Господь в них во веки. Надеющиеся Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

## **3. Премудрости Соломони чтение.**

Праведницы во веки живут, и в Господе мзда их, попечение их у Вышняго. Сего ради примут царствие благолепия, и венец доброты от руки Господни: зане десницею покрывает я, и мышцею защитит их. Приимет всеоружие рвение Свое, и вооружит тварь в месть врагом. Облечется в броня правды, и возложит шлем, суд нелицемерен. Приимет щит непобедимый, преподобие: поострит же напрасный гнев оружие: соборет же с Ним мир на безумных. Пойдут праволучныя стрелы молниины, и яко от благокругла лука облаков, на намерение полетят. И от каменометныя ярости, исполнь падут грады. Вознегодует на них вода морская, реки же потопят я нагло. Спротив станет им дух силы, и яко вихор развеет их: и опустошит всю землю беззаконие, и злодейство превратит престолы сильных. Слышите убо царие и разумеите, навькните судии концов земли. Внушите держащие множества, и гордящиеся о народах язык. Яко дана есть от Господа держава вам, и сила от Вышняго.

#### **На стихóвне стихи́ры, глас 4.**

Дал еси́ крѣпость и си́лу/ боя́щейся Тебѣ, Го́споди,/ преподо́бномученице Пела́гии,/ победи́ти ви́димых и неви́димых враг,/ я́коже дрѣвле святы́м мученица́м жена́м./ Тѣмже ны́не воспева́ют ю́ свяще́нницы/ и велича́ют вси лю́дие земли́ Ру́сския,/ я́ко не пощаде́ души́ своея́// вели́кия ра́ди сла́вы Твоея́.

**Стих: Ди́вен Бог во святы́х Свои́х,// Бог Изра́илев.**

Я́ко виногра́д прекра́сный,/ в земли́ на́шей/ насади́ тя Госпо́дь,/ ма́ти богоблаже́нная Пела́гии,/ тѣмже вино́ крове́й твои́х/ тепло́тою слѣзных ток раство́ривши,/ еди́ну от обою́ ча́шу страда́ния испила́ еси́/ и, я́ко ши́пок благоуха́нен,// злосмра́дие безбо́жия потреби́ла еси́.

**Стих: Приве́дуться Царю́ де́вы// в весе́лии и ра́довании.**

А́ще мучи́телие я́ростнии/ ласка́нии и угро́зами/ тща́хуся разори́ти/ течѣ́ние твоѣ́ ко спасѣ́нию,/ оба́че, преподо́бнеи ру́це к Бо́гу возде́вающи,/ Амалі́ка мы́сленнаго победи́ла еси́/ и, целому́дрія свещу́ елее́м крове́й твои́х воспо́лнивши,/ с му́дрыми де́вами в невестник Христо́в возшла́ еси́,// страсотѣ́рпице Пела́гии сла́вная.

#### **Сла́ва, глас 6:**

Благода́ть Бо́жию невре́диму/ жити́ем сохра́ньши,/ в ме́ру во́зраста исполне́ния Христо́ва дости́гла еси́,/ богому́драя ма́ти Пела́гии,/ и, я́ко пшени́ца, на нѣ́ве Росси́йстей возвращѣ́нная,/ серпо́м мучѣ́ния в Небе́сныя житни́цы собрана́ бысть./ Тѣмже, Бо́гу ны́не предстоя́щи,// моли́ о ве́рою и любóвию чту́щих тя.

И ны́не, Богоро́дичен: Творе́ц и Изба́витель:

#### **Тропа́рь, глас 3**

Скорби́, гонения́, болезни́ многія/ в го́дину лю́тых испытаний претерпевша́я/ и ве́рою твердо́ю первым мучеником хри́стианским уподобивша́яся,/ преподо́бномученице Пела́гии,// моли́ся ко Господу́ о спасении́ душ наших.

## **НА УТРЕНИ**

### **По стихословии седален, глас 3:**

Кто не подивится богоразумию твоему, досточудная матери Пелагие,/ яко Господу неотступно последующи и о спасении души твоея умоляющи,/ крепость на гонители Церкви Русския обрела еси./ Сего ради мы евангельски вопием ти:/ о жено, вера твоя спасе тя.

Слава, и ныне, Богородичен:

Тя, ходатайствовавшую спасение рода нашего,/ воспеваем, Богородице Дево,/ плотию бо, от Тебе восприятою, Сын Твой и Бог наш,/ Крестом восприим Страсть,/ избави нас от тли, яко Человеколюбец.

Величание:

**Величаем тя,/ страсотерпице преподобная матери наша Пелагие,/ и чтим честная страдания твоя,/ яже за Христа/ во утверждение на Руси Православия// претерпела еси.**

Псалом избранный:

1-й лик: Бог нам Прибежище и Сила, Помощник в скорбех, обретших ны зело.

2-й лик: Приведутся Царю девы, в веселии и радовании.

1-й лик: Исповемся Тебе в людех, Господи, пою Тебе во языцех.

### **По полиелѣи седален, глас 1:**

Яко жена евангельская закваску в три меры муки вложи,/ тако ты, достохвальная, верою Православною и страданием/ тричастное души твоея освятила еси:/ разум истиною Христовою,/ желания волею Божиею,/ чувства же любовью ко Господу,/ и сим на Церковь Русскую ополчившаяся/ посрамила еси, преподобномученице Пелагие.

Слава, и ныне, Богородичен:

О Державная Всецарице,/ преподобных надеждо, мучеников крепосте,/ Ангелов славо, человеков покрове/ и всего мира всемогущая

Засту́пнице,/ изба́ви Це́рковь Ру́сскую вся́кого зла́го обстоя́ния,/ еди́на Чи́стая и Благослове́нная.

Степе́нна, 1-й антифо́н 4-го гла́са. **Прокі́мен, глас 4: Вся сла́ва дщере́ Царе́вы// внут́рь ея́.** Стих: Ря́сны златы́ми оде́яна и преиспещре́на. Всякое дыха́ние: Ева́нгелие от Матфе́я, зача́ло 104.

### **По 50-м псалме́ стихі́ра, глас 6:**

Днесь неве́ста Христо́ва,/ страсоте́рпица Пела́гие сла́вная,/ крове́ми му́ченическими украше́нная,/ я́ко голу́бца крótкая,/ криле́ поста́ и моли́твы иму́щая,/ в черто́г Небе́снаго Жени́ха возлете́вши,/ с ли́ки святы́х новому́чеников Росси́йских/ Престо́лу Бо́жию предстои́т// и сла́вит Преве́чнаго Бо́га.

### **Кано́н, Глас 8.**

#### **Песнь 1**

Ирмо́с: Пои́м Го́сподеви,/ провед́шему лю́ди Сво́я сквозе́ Чермное́ мо́ре,// я́ко Еди́н сла́вно просла́вился.

Приими́ пе́ние, Пела́гие благосла́вная,/ цве́те благоуха́нный Це́ркве Ру́сския,/ от почита́ющих любóвию по́стническа и му́ченическа по́двиги тво́я.

Ревно́стию по Бо́зе/ стремле́ния богоху́льная в Ру́сстей земли́ посрами́ла еси́/ и фарао́ны мы́сленныя в мо́ри крове́й твои́х потопи́ла еси́, сла́вная.

Изуши́вши постом мо́ре стра́стное,/ муче́ния стезю́ безбе́дно прошла́ еси́/ и в Небе́сных селе́ниях водвори́лася еси́, Пела́гие богоблаже́нная.

Богоро́дичен: Тебе́ Предста́тельницу иму́щая, Пречи́стая,/ сла́вныя жены́, постом и страда́нием змиеву держа́ву сокруши́вшия,/ сла́ву Небе́сную обрето́ша.

#### **Песнь 3**

Ирмо́с: Ты еси́ утвержде́ние/ притека́ющих к Тебе́, Го́споди,/ Ты еси́ Свет омраче́нных,// и поёт Тя дух мой.

Вѣры Правосла́вныя щит восприѣмши/ и оде́ждою целомуд́рия  
облѣкшися, ма́ти Пела́гие,/ ко́зни ди́авола, на тя устремлѣ́нныя,/   
му́жественно отрази́ла еси́.

Ева́нгелия испове́дница и Правосла́вия ревни́тельница,/ неве́ста  
чи́стая Христу́ Бо́гу и украше́ние земли́ на́шея яви́лася еси́,/   
страстоте́рпице Пела́гие, до́блестная ма́ти.

До́блественне Бо́гу рабо́тавши,/ плоть распя́ла еси́ со страстьми́ и  
похотьми́/ и ду́ши твоея́, ма́ти Пела́гие,/ любви́ ра́ди Христо́вы не  
пощади́ла еси́.

Богоро́дичен: Тебе́, Богороди́тельнице, предстоя́т честны́я жены́,/   
поще́нием крѣ́пко подвиза́вшыся/ и му́жественне врага́ низложив́шыя.

#### **Седа́лен, глас 4:**

Украси́вши ду́шу твою́ красо́тою кро́ткаго и молчали́ваго ду́ха,/ те́ло  
же я́звами муче́ния удобри́вши,/ Красне́йшему добро́тою, па́че сыно́в  
челове́ческих, предста́ла еси́,/ за Русь многострада́льную моля́щися,/   
преподобному́ченице Пела́гие честна́я.

Сла́ва, и ны́не, Богоро́дичен:

От А́нны пра́ведныя процвѣ́тши, Де́во,/ родила́ еси́ Царя́ Христа́ и  
радо́сть ро́ду челове́ческому дарова́ла еси́./ Сего́ ра́ди рождеству́ Твоему́  
сра́дуются благочестивы́х жен сосло́вие земли́ на́шея,/ ко́зни гони́телей  
сла́вно препобеди́вшия.

#### **Песнь 4**

Ирмо́с: Услы́шах, Го́споди,/ смотре́ния Твоего́ та́инство,/ разуме́х  
дела́ Твоя́// и просла́вих Твое́ Божество́.

Ум вперив́ши к Бо́гу,/ Амали́ка зломы́сленнаго победи́ла еси́  
моли́твою, ма́ти Пела́гие,/ и, я́ко му́ченица сла́вная, страда́ния за Христа́  
претерпе́ла еси́.

Тве́рдость ве́ры Правосла́вныя показав́ши, препodobному́ченице  
Пела́гие,/ до́блественныя по́двиги поста́ явила́ еси́/ и муче́ния претерпе́ла  
еси́,/ си́лою Креста́ Христо́ва укрепля́ема.

Страстѣй безобразія совлѣкшися, сла́вная,/ а́нгельский о́браз  
восприя́ла еси́/ и страда́нием Христу́ Бо́гу сочета́лася еси́.

Богоро́дичен: Богома́ти Пречи́стая,/ Госпо́дь от Тебе́ неизрече́нно  
плоть при́ят,/ сего́ ра́ди жен естество́, иногда́ под кля́твою бы́вшее, ны́не  
возвели́чися.

### Песнь 5

Ирмо́с: У́треннююще вопи́ем Ти:/ Го́споди, спаси́ ны,/ Ты бо еси́ Бог  
наш,// ра́зве Тебе́ ино́го не ве́мы.

Я́ко сокрови́ще многоце́нное, спасе́ния усер́дно взыску́ющи,  
преподо́бная ма́ти,/ Христу́ усер́дно послéдовала еси́/ и крест муче́ния  
му́жественне подъя́ла еси́.

Ца́рства Небе́снаго возжелéла еси́, досточúдная Пела́гие,/ те́мже,  
ду́шу твою́ пока́нием очи́стивши,/ по́двиги страда́ния терпели́вно  
подъя́ла еси́.

А́нгели светоно́снии дивя́щися терпéнию твоemú, ма́ти сла́вная,/ ду́шу  
твою́, благода́тию освяще́нную,/ Престо́лу Го́спода вы́шних Сил  
приведо́ша.

Богоро́дичен: Покро́в и Засту́пницу Тя иму́ща, Всечи́стая,/ жены́  
благочесті́выя земли́ на́шей во дни безбо́жия не отверго́шася Го́спода,/   
оба́че, изгна́ния и бе́дствия му́жественне претерпева́юща,/ непобежде́ны  
пребы́ша.

### Песнь 6

Ирмо́с: Ри́зу мне пода́ждь све́тлу,/ одея́йся све́том, я́ко ри́зою,//  
Многоми́лостиве, Христé Бо́же наш.

Ри́зу плóти свое́я совлéкши воздержáнием и муче́нием, боголюбе́зная  
Пела́гие,/ ри́зу спасе́ния от Христá Бо́га невестолéпно восприя́ла еси́/ и  
тем во тьме безбо́жия досточúдно в стране́ на́шей просия́ла еси́.

Ю́зы темни́чныя, глад и гонéния/ претерпéла еси́ му́жественне,  
преподобномучени́це Пела́гие,/ и тем о́браз ве́ры и благоче́стия  
Росси́йским жена́м яви́ла еси́.

День и ночь простира́ла еси́, страстоно́сице, преподо́бней ру́це твои́  
к Бо́гу,/ Еди́ному могу́щему сохра́нити Русь в Правосла́вии,/ тем ты  
ублажа́ем.

Богоро́дичен: Жены́, постом и страда́нием Го́споду угоди́вшия,/ егда́  
благоче́стие поноше́нию предаде́ся в стране́ на́шей,/ ны́не непреста́нно  
мо́лятся Сы́ну Твоему́, Пречи́стая,/ да утверди́тся Це́рковь Ру́сская.

### Конда́к, глас 6:

**Днесь проро́чество преподо́бнаго Серафима исполни́ся:/  
множество новомучени́к престо́лу Божию со ангелы предста́ют,/**  
**с ними́же и преподо́бномученица Пела́гия/ в Дивее́ве Небеснем**  
**моли́тся непреста́нно// о земном Оте́честве своем.**

### Ўкос:

Ка́ко воспойм ты, Це́ркве Ру́сския похва́лу, досто́блаже́нная  
преподо́бномучени́це Пела́гии,/ от ю́ности жите́йская попече́ния  
отри́нувшую/ и благу́ю часть и еди́ное на потре́бу избра́вшую,/  
преподо́бие за́конным муче́нием запечатле́вшую/ и сего́ ра́ди  
сподо́бльшуюся храни́ти и испо́лнити сло́во Христа́ Бо́га на́шего,/ Ё́же  
увенча́ ты красото́ю сла́вы нетле́нных.

### Песнь 7

Ирмо́с: О́троцы евре́йстии в пещи́/ попра́ша пла́мень дерзнове́нно/ и  
на ро́су о́гнь преложи́ша, вопи́юще:// благослове́н еси́, Го́споди Бо́же, во  
ве́ки.

Еле́ем благода́ти о́гнь любве́ ко Христу́ распала́ющи/ и гоне́ния  
мучи́телей нивочто́же вменя́ющи,/ бо́дренне о́гня ве́чнаго избе́гла еси́/ и к  
Небе́сному Жениху́ твоему́ возшла́ еси́, преподо́бномучени́це сла́вная.

Вавило́ни дщере́ ока́янныя ме́рзкое поро́ждение,/ безбо́жию хотя́щее  
преда́ти зе́млю Ру́сскую,/ о ка́мень страда́ния твоего́ псаломски разби́ла  
еси́, преподо́бномучени́це Пела́гии.

Воздержáния росóю пла́мень страсте́й погаси́ла еси́,  
многострада́льная,/ и то́ки крове́й твои́х напа́сти богоху́льные потопи́ла  
еси́,/ о́браз ве́рным лю́дем явля́ющи.



Богорóдичен: Я́ко Бо́га ро́ждшую плóтию, Пречíстая,/ нрáвом  
благочéстным чтим Тя непрестáнно,/ вкúпе с честными́ жена́ми,/ постóм  
просия́вшими и страда́ньми врага́ низложившими.

## Песнь 8

Ирмóс: Седмери́цею пещь/ халде́йский мучи́тель/ богочестíвым  
нейстовно разжже́,/ си́лою же лу́чшею спасе́ны сия́ ви́дев,/ Творцу́ и  
Изба́вителю вопия́ше:/ óтроцы, благослови́те,/ священни́цы, воспóйте,//  
лю́дие, превозно́сите во вся ве́ки.

Спасе́тся жена́ чадорóдием, вещáет апóстол./ Ты же,  
преподобномúченице Пела́гие, мно́гия добродéтели породивши,/ я́ко лоза́  
плодовита́, в вертогра́де Цérкве Рýсския яви́лася еси́/ и страда́ньми  
твоими́ вино́ спаси́тельное источи́ла еси́/ сла́влящим о тебе́ Христа́ во ве́ки.

Любóвию Христо́вою уязви́вшись,/ к страда́нию востекла́ еси́,/  
распе́нши плоть со страстьми́ и похотьми́, Пела́гие,/ и, свещу́ душе́вную  
неугаси́му де́янием храня́щи,/ муче́ние я́ко ве́но Невестокраси́телю душ  
принесла́ еси́,/ превозно́сящи Его́ во ве́ки.

Е́вино преслуша́ние, породившее́ смерть, при́сно помышля́ющи,  
достосла́вная Пела́гие,/ пёрвее возжелáла еси́ умре́ти ми́ру в послуша́нии  
за́поведем Христо́вым,/ последи́ же муче́нием по́хоти плóти совлещи́ся./  
Тем, на Не́бо возше́дши,/ Трóицу Святу́ю благослови́ши во ве́ки.

Богорóдичен: С новомúченики и испове́дники Росси́йскими,  
Пречíстая,/ и все́ми святы́ми жена́ми/ умоли́ Еди́наго во святы́х  
почива́ющего/ сохра́нити зéмлю на́шу, славосло́вящую Тя во вся ве́ки.

## Песнь 9

Ирмóс: Ужасе́ся о сем Не́бо,/ и земли́ удиви́шася концы́,/ я́ко Бог  
яви́ся челове́ком плóтски/ и чре́во Твое́ бысть пространнейшее Небéс./  
Тем Тя, Богорóдицу,// А́нгелов и челове́к чинонача́лия велича́ют.

Да́ры Христу́ любóвию принесла́ еси́, преподобномúченице Пела́гие,/  
моли́тву я́ко зláто, поще́ние я́ко ливáн и страда́ние я́ко сми́рну./ Тем ты  
благочéстно велича́ем.

Елѣем целомудрія и крѡвию страданія преукрашена,/ вся добра  
явилася еси/ и Единому дѣвственному Жениху обручилась еси./ Егѡже  
моли спастися почитающимъ память твою, преподобномученице славная.

Яко горлица пустыннолюбная, превитаючи в Горний Сион,/ верою  
Православною от сѣти ловящихъ избавилася еси, страдалице честная,/  
видимыхъ и невидимыхъ врагъ посрамивши./ Тѣмже ты купно съ ангельскими  
лики почитаемъ.

Богородичен: Тебѣ, Всепетую Владычицу,/ яко Всецарицу, Христу  
Царю предстоящую,/ вкупе съ преподобномученицею Пелагие достойно  
величаемъ.

### **Светилен:**

Духомъ просвещаемъ, преподобномученице Пелагие,/ исповѣданиемъ  
Христа возсияла еси в Церкви Русстей./ Сего ради свѣтомъ Небеснымъ  
чтущия ты озари, мати всехвальная.

Слава, и ныне, Богородичен:

Воистину, Богородице, Ты благодарственне величаемъ,/ Ты бо еси  
Мати рода христіанскаго и Хранительница удела Твоего, Церкви  
Россійския,/ и возглавіе лика преподобномученицъ.

### **На хвалѣтехъ стихіры, глас 8.**

О, страсотѣрпице Пелагие,/ ты все житіе твоѣ ввергла еси/ в  
сокрѡвищницу Церкви Русския,/ яко вдовица две лѣпте,/ воздержаніемъ и  
страданіемъ,/ молитвою и чистотою,/ помышляючи, яко лучши  
праведнику малая,/ паче богатства многа грѣшному,// и ныне, яко мудрая  
дѣва, восхваляеши Господа.

О, преславнаго чудесе!/ Верою иногда кровоточивая жена/  
воскрилиу ризы Христоу прикоснуса,/ и абие сташа тоцы крове ея,/ ты  
же, честная, криле крестнеи восприѣмши,/ кровью твоими, за Христа  
изливаемыми,/ теченіе безбожія в земли Русстей посрамила еси,/ и яко  
жена, любящая Господа,// достойно похваляеши.

Міру умершую изволеніемъ/ и плоти за Христа не пощадѣвшую,  
Человеколюбецъ Господь воздвиге ты,/ яко дочь Иаинову,/ к Небесней

жизни и безсмертной трапезе,/ славная преподобномученице Пелагии,/ и ныне в Церкви Русстей,/ яко во вратах Иерусалима дщери Сиони,// о тебе хвалы Ему возсылаем.

#### **Слава, глас 4:**

Слезы пощенические и миро кровей/ мною верою и любовью Христу принесла еси,/ преподобномученице всечестная,/ и ныне дерзновение имаша/ молити о прощении грехов народа Русскаго,/ просящи Православной Церкви утверждения,/ Отечеству нашему благостояния// и всем людям велия милости.

#### **И ныне, Богородичен, глас тойже:**

Призри на моления Твоих раб, Всенепорочная,/ всякия скорби избавляющи землю Русскую,/ дом Твой нареченную/ и кровью новомученик и исповедник освященную./ Да не постыдимся, Владычице Державная, Тя призывающих,/ всех православных помощи,/ радости и покрова// и спасение душ наших.

Славословие великое. И отпуст.

### **НА ЛИТУРГИИ**

Блаженна от канона, песнь 3-я и 6-я.

Прокимен, глас 4: Боже, дщери царей// в чести Твоей. Стих: Приведутся Царю девы в след Ея.

Апостол к Коринфяном, зачало 181.

Аллилуия, глас 1: Искренния Ея приведутся Тебе. Стих: Приведутся в веселии и радовании, введутся в храм Царев.

Евангелие от Луки, зачало 33.

Причастен: В память вечную будет праведник:

## Моли́тва

О, всехва́льная преподо́бномученице Пела́гие, крѣ́ткая Христо́ва а́гнице, земли́ Росси́йския цвѣ́те благоуханный, избра́нная, непоро́чная и до́брая в жена́х! Ты лю́бовию послѣдовала еси́ Христу́, благо́е ѿго за́поведей Его́ терпели́во подъя́вши и я́звы Его́ преподо́бием нося́щи; во дни же гоне́ний на Це́рковь Ру́сскую му́жественне во испове́дании Правосла́вныя ве́ры пребыла́ еси́ и, жити́е мона́шеское по́двигом муче́ния увенча́вши, в черто́г Небе́снаго Жени́ха возшла́ еси́. Те́мже мо́лим тя, сла́вная в жена́х му́ченице: моли́ Це́ркви на́шей в ми́ре и благоде́нствии пребыва́ти, держа́ве же Росси́йстей непоколебímeй в Правосла́вии и ми́ре сохранítiся и всех враго́в сокруши́ти; жена́м, по́двиг ѿночества вопри́йшим, во благоче́стии и послуша́ниях мона́шеских укрепítiся, в ре́вности по Бо́же не оскудева́ти и неро́потным, бо́дренным и благода́рным всегда́ бы́ти; нам же, лю́бовию тя почита́ющим, испроси́ вре́мя на покая́ние, твёрдость во испове́дании ве́ры ѿстинныя, заступле́ние от ко́зней вра́жиих и на Стра́шнем Суде́ предстоя́ние одесну́ю Го́спода на́шего Иису́са Христа́, Ему́же со Отце́м и Святы́м Ду́хом подоба́ет вся́кая сла́ва, честь и поклонё́ние, ны́не и прѣ́сно, и во ве́ки веко́в. Ами́нь.